

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—二〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第五七冊目次

詩風初集十八卷(原缺卷三至卷四)(二)

〔清〕徐崧等輯  
清康熙十二年刻本

..... 一

慎墨堂詩拾九卷附錄一卷贈答詩一卷筆記一卷

〔清〕鄧漢儀撰  
民國漢畫軒藍絲欄鈔本

..... 四四三

八家詩選八卷

〔清〕吳之振輯  
清康熙鑑古堂刻本

..... 五三五

秋士選詩三百五卷

〔明〕宋存標輯  
明末刻本

..... 七〇七

江東樂府不分卷

〔明〕陳簡輯  
舊鈔本

..... 七四三

詩風初集十八卷（原缺卷三  
至卷四）（二）

〔清〕徐崧等輯

清康熙十二年刻本

上海圖書館藏

詩風初集卷六目錄

七言古詩

吳康侯 俞南史 歸莊

宋實穎 沈自然 史玄

楊補 董說 徐繼恩

趙賓 凌義康 翁燧

王潢 屈大均 王光承

金俊明 方夏 周永年

張嘉 談允謙 汪楷

陸堃 徐階鳳 葉雷生

董舍 阮旻錫 嚴正集

詩風初集卷六 目次

戚藩 徐緘 曹申吉

史樹駿 錢芳標 白夢鼐

曹貞吉 朱淑熹 彭始奮

丁日乾 羅永祚 許承家

曹鼎望 趙開雄 范廷璜

張新標 張綱孫 汪懋麟

李國宋 王仲儒 王熹儒

陶澂 孫自式 宗元豫

劉康祚 沙張白 張圯授

吳之振 丁澎 沈寧

路鶴徵 沈自鋌 錢金甫

鈕泌 宗觀 李及年

王翊 吳屯侯 鄒震謙

陳上善 章靜宜 陳澄心

張錫偉 李開生 趙進美

計東 曾曉 宋之繩

潘廷章 曾王孫 陳允錫

黎元寬 趙潛 董道權

葉方恒 陳晉明 徐功燧

柯維楨 陳檀蔭 高暉

毛蕃 顧埕美 李炳

徐松

詩風初集卷六 目次

二

詩風初集卷六

松陵徐 崧松之

橋李 汪文楨周士同選  
汪森晉賢

七言古詩

吳康侯

龍潭汎月歌

武康響應山下有峰巒瀑布響潭之勝毛澤民詩云人聲未響潭先響一

樹花開  
兩樹紅

微風落日花含烟娟娟溪月露華妍澄潭練影搖青天

美人迢迢雲中仙欲往從之思渺然蘭舟夜汎時扣舷

月光倚欄中流縣金波漱澗臨風前松花酒美斗十千

言身者套 卷六

吳康侯

洞簫吹覺老龍眠星河滿袖光聯翩揮毫落紙珠玑旋

吐咳欲繼明河篇把酒酌月今夕是何年我欲乘槎萬

里呼張騫隨波汎月斗牛邊上借織女支磯石一圓礪

我匣內雙龍泉傷我珊瑚筆架礪作研池流水聲涓涓

射鵝山

在太湖中

射鵝山前春浪白湖光黯黯春雲黑風卷太陰雷雨色

驚翻石浪如林立上有猿狖之危峰下有蛟龍之幽宅

風起水湧山高月出扁舟鼓柁吹洞簫不知今夕是何

夕踏破蒼雲幾兩屐江山文藻空相憶君不見黃州赤

壁柳州山至今圖繪滿人寰當日若無蘇柳兩公蹟不

過樵牧牛羊落照間

劉伶墓 墓在安肅縣張華村

吾儕之生杜康後莫羨黃金大如斗人間百歲龍虎爭

天上兩丸烏兔走劉伶歿後今千年酒星夜夜懸青天

塚中仙骨已蛻去胡爲此地人爭傳君不見魏武銅臺

漳水濱西陵紅粉吹黃塵豪雄意氣空寂莫何如酒國

長生春長生春醉鄉路草青青劉伶墓

過豫讓橋 順德府

太行山東一片石土花殷血古苔碧壯士磊磊一寸心

氣貫紫霓日猶赤君不見秦王虎視窺山東趙氏灰燼

臺池空三千珠履無國士以視豫讓胡雌雄燕市悲歌

髮怒指搏浪椎驚祖龍歟七首夜夜明寒水伯仲之間

言身者套 卷六

吳康侯

有二子我來橋上悲風烈馬踏重陰墮僵雪劍光落水

還照人潺湲中夜聲嗚咽

挂劍臺

張秋城南

延陵寶劍土花碧出匣寒光飛霹靂十年霜刃爲君開

神物由來資正直舞處能令魑魅走化時猶爲蛟龍得

一片平生然諾意拂拭芙蓉敢輕試獨立天地惟此心

仰視長虹但一氣只今交道輕如土七貴紛紛安足數

平津閣裏去來雲廷尉門前翻覆雨葛衣生歎何飄零

信誓青松亦虛語安得吾家季子借吳鉤赤手生啖織

人血獨體徐君古墓空荒丘挂劍臺邊水自流援啼日

莫聲啾啾荻花瑟瑟年年秋

過宿遷項王廟

重瞳睂宇天人姿，迅掃六合如雲螭。此地泥蟠當間氣，頭角嶄嶄凌天池。須臾茫碭真人出，嗷嗷鬼母陰風吹。雲鬢雨鬣鬪霹靂，楚漢翻覆殊雄雌。當年氣直萬人敵，黥彭紛紛安足匹。手提憫餽劍，血青落日風腥夜。雲黑赤帝炎精四百祀，粉榆社火還荆棘。歌風臺畔夜夜狐狸號，獨有精靈千載猶。廟食我聞黃河之水倒，崑崙奔流此地漂空村。願移拔山意，氣回乾坤何煩逐鹿。一代帝中原，直須為民禦災捍患，萬古稱雄尊。

俞南史

湯雨七畫水歌

詩風初集

卷六

吳康侯俞南史

三

昔稱二孫畫活水，黃蒲之後惟吾子。家臨震澤水為鄉，暇日揮毫盈百紙。案間日日起洪瀾，滿堂凜凜六月寒。激蕩疑聆澗壑瀉，汪洋似出江湖寬。其中設景多奇幻，隨物寫形時變換。一任縱橫肆不窮，滔滔滂滂神相貫。流水朝宗百谷王，千支萬派自悠長。方將擬入烟波釣，空立蒼茫一望洋。

題錢舜舉楊妃上馬圖

雪川畫手稱奇妙，事事寫神不寫貌。花鳥人物悉如生，丹青未設思先到。茲將絹素寫楊妃，宮娥簇擁天人姿。不畫宮中行樂日，偏畫臨行上馬時。憶昔玄宗天寶末，不聽忠言重傾國。祿山擾亂逼京師，天子貴妃同避出。

鳳輦鸞輿嫌尚遲，金羈寶勒下瑤墀。扶上香鞵凌玉銜，至今照耀生光輝。此時六軍亦並發，萬騎千乘離城闕。前途齊噪不能行，一旦紅顏馬前沒。玉環已碎海棠萎，血染遊魂不得歸。錦帳翠衾難共入，金釵鈿合暗相隨。傳說當年歡宴日，賀老琵琶李暮笛。愛弟行觴華萼遊，諸姨連袂沉香集。楊家勢餒傾京師，身亡國破誠須臾。妝樓湯殿今何在，空向人間見畫圖。

歸莊

題福源寺羅漢松

福源建自梁大同，創寺之年植此松。歷千餘載寺再廢，此樹不改青龍蔥。大二十圍高難度，攫擎天際如虬龍。

詩風初集

卷六

俞南史歸莊

四

石根鐵幹苔斑駁，狂風搖動聲錚鏦。夜然長明燈晨撞，萬石鐘鐘聲震耀。生靈怪柯葉常有白雲封，水車之役大水盡斧斤欲加鬼不容。天王柏上方松昔年來遊有題詠，何況此樹六朝之遺蹤。松之名者今有報國古岱宗，彼以神京名嶽顯。此獨晦匿于震澤之濱，縹緲峰大材僻處自矜貴，賞玩不辱于凡庸。天挺植物有如此人，生何必皆遭逢。嗟哉人生何必皆遭逢。

崑山石歌

昔之崑山出良壁，今之崑山產奇石。石出壁之山，流沙中產奇石者在江東。江東之山良秀絕，歷代人材多英傑。靈氣旁流到物產，石狀離奇色明潔。神工鬼斧斲千年。

雞骨桃花皆天然崑石以雞骨片爲側成墮山立成峰

大盈數尺小如拳奇石由來爲世重米顛下拜東坡供

今日東南膏髓竭猶幸此石不入貢貴玉賤石非通論

三獻三則千古恨石有高能無所求終老山中亦無怨

世道方看玉碎時此石休教更徇奇嗟爾崑山之石今

已同頑石不勞朱勳來蹤跡

宋實穎

喜晤文園公自寧夏歸與予別二十年矣

昔年握手吳趨東君顏美少如花紅讀書射獵南北

座上客滿酒不空別來相訊思相見屈指流光若驚電

月黑雲黃虎豹啼草枯笳急思酣戰流落邊關二十春

詩風初集

卷六

歸莊宋實穎沈自然五

賀蘭山下絕風塵飛書馳檄推才子白馬青袍謝故人

沈自然

周文襄公大輜車行

水國茫茫連大澤暖風吹起南雲溼江村五月樹如烟

梅雨連朝水田溢弱苗無力稍稍露潤斤平隄舟徑度

此時嗟我農夫愁鄰里相將治農具周公遺製尚依然

什伯同心趁早天鳴鑼相喚起力作南村北港聲喧填

效乃清歌繞蘆葦糝糊不見青山尾車聲轉轉無朝昏

捉得魚蝦畱夜醉耕者何翁與夫饑者何婦與姑紅裙

白紵自提壺酒漿只在鄰家沽草淡野斤啼螿姑霑體

赤脚無時無野人勞苦復誰怨豐歲猶難飽一飯但願

官家常作主水天晴好無風雨

傷心行

湖陰風起雲蕭索野田草叢斜陽薄甯越單衣不耐寒

夜半哀歌擊牛角衰迹幽恨填空雲宿草離離映古墳

天公別有閱人意榮達胡能獨厚君年來壯志成枯槁

已遣饑腸事葵藿向人口噤不能言入門珠淚紛然落

曉別曲

月沒星闌曉雞唱離人促起同心帳殘花無焰淚花紅

不許含顰兩相向安得紅輪葬海底千年長伴多情叢

從此人間無別離門前不種相思子

秋末

詩風初集

卷六

沈自然

六

早涼風剪梧桐樹珠斗闌珊天未曙亭帷思客怨新秋

短夢勞騷向空語五湖一夜蘆烟白園柳稀疎陶令宅

斷腸花發綠庭幽露冷無人見芳色

難忘曲

閣道朱闌花纂纂洞門淡鎖紅雲暖紫綿巾地錦鋪鮮

麗殺縣空簾不捲弱柳垂絲拂瓦獸竹葉風涼簟文縷

美人笑隱芙蓉屏晚香欲墮鏡奩青綠紗半啟開短局

簫聲夜落星熒熒

送春詞

東風吹水生綠波朱城暗起雲嗟峨看花欲落真可惜

飲酒不醉當如何錦色空畱雙燕子媽香畫粉隨流水

白馬趁趨去不歸青蛾夢醒東皇歎

史 玄

蜀葵花歌

蜀葵花開光爛爛紅英綴眼庭前玩青青直幹葉扶疎  
一枝四照花零亂此花由來紛吐日下枝闕盡上枝出  
籬邊階下種易生五月六月宵蕭索薜花與爾顏色并  
花身各異心無爭露井之葵亦同名蜀則有花偏亭亭  
萼蒲筵上插紫莖天中飲酒情潔清成都玉壘新被兵  
巫夔帶甲環軍聲蜀材杞梓皆不下見爾花開愁緒縈  
種松歌為吳惕齋賦

吳生新栽有五松軀幹雖小形勢工二株著葉翠羽蓋

詩風初集

卷六

沈自然史玄楊補

七

一株倒影翔飛龍其餘三株盡殊特五株合種生長風  
風來置我嵩岳下笙聲夜半聞虛空怪底東湖水波濶  
巔崖孤木滄洲奪自從松樹開野堂遂使湖山等淡活  
吾為吳生起作歌古來此趣良不多初聞孔明植老柏  
嗟峨千尺盤高柯又聞四松移子美覽物哀多亦可喜  
根株未過三尺強疎枝秀發珊瑚比愛君閒靜營草堂  
清風謾謾偃蓋張酒酣情重託懷抱黛色與爾蟠穹蒼  
楊 補

楊龍友於燭下拾殘紙作畫

高堂廣几明燈裏臥筆牀頭忽欲起拾紙忙伸禰刺餘  
天機瀉出如流水四座無言夜氣清筱筱但聞毫素聲

不知為樹復為石蒼蒼一秀無冬春明朝展向晴雲閣  
九峰為我窗前落

董 說

放遊

胸中那可著南北千古遊人失遊法臥遊道人自開關  
船頭鎮日帆竿插雲脚東斜風勢高吹落靈巖花斤狹  
山花滿種黃磁斗歸路江濤賴渠壓

徐繼恩

江淮行 并序

江淮水決滿目流亡觸緒與悲病中漫賦

河決不塞將奈何湯湯淮水揚洪波道旁死者抱頭哭

詩風初集

卷六

楊補董說徐繼恩

八

誰將矯詔發倉粟勸君莫怨江都王陳隋宮館增荒涼  
夜溪愁聽山陽笛衰草蕪城半啼血淮陰獨自哀王孫  
裴徊白馬故人存傷心江鮑賦離別惠連歌斷廣陵月  
願從雞犬學神仙不成還可憐長江千里白如練  
回首茫茫江一片

趙 賓

送彭碧湖歸里

盧溝橋上日欲莫盧溝橋下雪迷路千里做裘無酒錢

北風吹折西山樹扁舟歸去且垂綸泉水門好卜鄰

平津閣前草三尺蹇驢休踏長安塵

凌義康

銅雀臺瓦

飄香覆綠凝烟色翠滑古光淨如拭薄質冷冷蒸溼雲  
世遠愁濃啼不得春風走馬鄴城下不見亭臺見飄瓦  
久歷悲涼棲暗塵落盡繁華自瀟灑斑剝稀微苔蘚紋  
猶是佳人碧唾痕長抱芳懷懷未已淚花零亂和鉛水  
娟影迷離艷無主鄴陵依舊風吹雨

翁 燧

築城行

君不見錢塘江潮如白練平沙十里吞江面奔騰晝夜  
薄高城城頭健兒吹角聲角聲半入潮聲去役夫夢斷  
悲相語虎林城堅鐵不如于中別築屯軍處六月挑發

詩風初集

卷六

凌義康翁燧王潢 九

五郡民天炎令急無晨莫拮据豈關筋力強休息每遭  
官長怒一時城一尺一日城一尋朱輪不動后土蒸涼  
風蕭蕭生遠林只吹竹樹作清響不吹城南行役人梨  
園年少暗新譜葛衣搖扇將軍府

王 潢

為冑辟疆悼董姬作

博山篆冷爐烟歇苔階履滅香塵絕綺閣空傳錦字詩  
總帷斜引疎窗月廣陵公子五陵豪當孟不飲何蕭騷  
為問心傷者誰子娉婷曾說董嬌嬈嬌嬈家住秦淮側  
文心蕙質兼殊色幾載纏綿漆與膠一朝形影成孤特  
由來名士悅傾城惆悵佳人難再得佳人名士真希有

不比尋常奉箕帚碎琴誰更覓知音從此中閨失良友  
昔為連理枝今作單棲鳥自是情鍾我輩淡莫怪安仁  
頭白早君不見虎丘山下塚纍纍真娘墓上多芳草又  
不見西陵松柏結同心風流千載歌蘇小

題胡星卿白頭三友圖

噫嘻彼三小鳥胡為來霜毛冠頂誠奇哉只恐鷹鷂逞  
搏擊莫遣燕雀爭疑猜朝棲連理枝莫宿雙珠樹況是  
彌天雨雪時肯不同飛復同住君家兄弟亦三人三人  
白首猶情親自從河濱避矰繳斂翅翹戢羽全其身明發  
之間誦小宛子弟式穀皆陳荀朔風吹雲暗鍾阜坐對  
茆檐酌盃酒高歌一曲和填箎萬事區區成做帚何必

詩風初集

卷六

王潢屈大均

十

翩翩號白頭入門此是真三友君不見田氏荆姜家被  
不忍離居共眠睡踽踽誰憐杜篇丹青為爾圖人瑞  
屈大均

春日懷白華園

櫻桃花發吳溪香客裏看春黯自傷可憐海燕差池羽  
挾子翻飛歸畫梁我家遠在番山峴此日清明天氣暖  
翡翠城邊柳正長琵琶洲畔鶯初囀舊栽梅樹玉堂邊  
我母折梅大士前松風隔水吹朝梵山月含霜照夜禪  
一別鄉園幾四載浮雲舒卷彌滄澗五色明珠不肯投  
千金七首依然在紛紛天下逐雌雄安期枉去說重瞳  
仙人本為蒼生出大道難令濁世容楚客空知笑衰鳳

葉公不解好真龍，裴回岐路將何適。采采芳蘭三嘆息，兩弟雖承菽水歡。鮮民未盡溫清節，鴻雁飛飛向塞天。誰憐落羽屢驚弦，弋人應念銜書苦。萬里飄零非偶然。

淶水曲

二月鏡湖春桃花開，玉津無數紫鸞驚。鸞飛繞浣紗人浣，紗殊未返搖曳春雲晚。月出白蘋洲，烟生楊柳岸。楊柳依依在月中，可憐嘶斷玉花驄。輕風忽引羅衣去，一曲菱歌聽未終。

贈廣陵龔子

我昔客揚州，高臥瓊花樓。瓊花十丈開，天闕飛作江南千里雪。淮王仙幙捲青霞，綵女鸞簫吹夜月。樂往哀來

詩風初集

卷六

屈大均王光承

十一

芳歲移蕪城，鼓角不勝悲。將軍虎竹歸，青澗天子龍旗出。紫微傷心獨弔戰場下，白骨青苔紛滿野。明馳載盡畫樓人，芳草嘶殘榆塞馬。二十四橋何處尋，逢君散髮垂楊陰。遊仙未策盧敖杖，別鶴聊彈叔夜琴。玉勾草堂更秉燭，風雨蕭蕭鳴苑竹。君作金箱五岳圖，置我明星太乙都。東臨碣石看紅日，西入崑崙隱玉壺。

寄薛二

君戴芙蓉冠，幾日羅浮返。芝房白玉童，應笑神仙晚。我在天台讀道書，春風三月悵離居。盈盈一片桃花水，欲駕琴高錦鯉魚。

王光承

漢宮篇

東井長安道，西秦函谷關。蕩蕩終南樹，巍巍龍首山。未央宮闕當山起，控引黃河連上時。日月倒臨金馬門，虹霓飛出昆明水。虎威列署接林光，複道排空三百里。後宮臺館更紛紛，絳懸黎垂棘蕩星文。芙蓉雜畫樓如錦波，代名香氣似雲朱。檐綠篆瓊瑤，榜采愚直在青霄。上開戶平看太華峰，垂簾下視仙人掌。仙人玉露溼春風，吹入沉沉桂閣中。蓬萊海月琉璃影，牛女星橋翡翠通。翡翠金幃雲繭織，流蘇細結雙鸞鵠。中有姪何諸，貴人窈窕繁華好。顏色軟，組輿玳瑁裝。蜃珂小馬明珠勒，官婢扶車各往來。永巷相逢不相識，五采翻鴻宛轉綠。炫

詩風初集

卷六

王光承

十一

妝妖服競良時，今日調笙靈女廟。明朝侍宴影娥池，影娥池裏群山綠。少女微風吹綺縠，弱柳千條映翠眉。奇花萬樹扶膏沐，况兼四海久昇平。朝廷大政委公卿，蓮勺先生嘗頌聖。富平公子伴微行，此日中宮徵伎樂。此時歌舞換新聲，歌舞名姬天下選。瓊英如雨珠如霰，掖庭秘戲三萬人。江河淼淼空中變，別有傾城趙主家。鳳毛步輦初相見，一曲青娥落御筵。六宮粉黛無嬌面，先皇金屋未精奇。掄材新構昭陽殿，昭陽門闥紫霞封。懸鈴飛鑷亂鳴鐘，畫閣丹楹三玉鳳。高堂壁帶九金龍，金龍五色擁神仙。結綠珊瑚銀漢邊，百尺椽題鱗甲椽。千人錦繡合官船，巧窮丁緩迷三象。蛤出真夷號萬年月

墜月升都白晝草枯草綠總春天一家專寵擅椒房君  
王夜夜夢高唐歸風送遠聽皇后雙鳳離鸞出慶郎侍  
女招搖雲母扇妖童掩映紫犀牀昭儀常啼帝常喜聯  
裾並輦花光裏異錦鮫文賜老奴綠綈敗篋盛龍子涎  
涎燕尾啄皇孫假父新侯輕許史自言富貴無窮期不  
知一旦皇孫死露華少嬪滿蒼苔碧樹周阿鎖不開解  
光細核前朝事翟芴涼棄草萊飛塵已暗青熊席蹋  
臂誰歌赤鳳來半晴半雨合風閣花落花開月影臺鴻  
嘉烜赫桑田改姊弟驕奢竟誰在昔日蕭條班婕妤猶  
奉園陵倚素車十年反覆看黃土紈扇優游自著書

金俊明

詩風初集

卷六 王光承金俊明方夏三

擊缶道人肖櫻屨爲履見贈戲爲歌謝

道人贈我文綾履髣髴遊山菘屨是綦氎鱗鱗魚子紋  
纒約隱隱桃花綺青州雜記云青齊間有一種桃花開  
時垂絲二三尺採而練之織爲履人  
不能辨真長桃椎曾業此志和爛漫從烟水未必鮮華得  
似茲顧愁布襪難爲比我老幸作林中人有足不緇京  
雅塵閑來微吟入花竹興至遠訪經湖濱鳳龍之客見  
不怪雅稱羽扇將葛巾再拜道人贈我意曳之且復須  
良辰

方夏

雲岩結隱圖歌爲金耿菴作

真詩妙画各有宗引而伸之義無窮古人惟有王摩詰

有聲無聲能並工宋元諸子且勿論我朝此事推吳中  
吳中布衣啓南氏風流文采炤江東一時繼起誰最著  
唐伯文仲真代雄百年餘韻未銷歇口語籍籍稱成弘  
我生衰晚不及見得見片縑如鼎鐘近來俗筆頗卑冗  
邵彌楊補空谷登彌爲僧彌補無補二子同里趣亦同  
瓜疇邵乃心折子畏靈秀大有吳趨風向往未已壽命  
促詩乃不克及古農楊古農詩句絕流輩思致沉鬱才  
力充暮年丹青更老到妙處不減白石翁大軸長卷恣  
揮洒淋漓元氣開鴻濛只如此幅好結構層層寫出宛  
推蓬江山萬里真在眼固知丘壑生心胸秦時難犬晉  
時路分明指點桃源蹤縈紆曲折幽且邃淺淡藏路絕

詩風初集

卷六 方夏

古

復通居人不自識窈窕遊筇直擬凌虛空峭壁懸崖勢  
岌岌奔泉東澗聲淙淙東嶮晴嵐西嶮雨下有浮梁上  
有松藥苗芝草匪一狀靈宮福地難爲容于中洞戶凡  
幾處未知結隱將何從當時盤礴重感慨數語顯識明  
幽悰吁嗟此願不獲遂一函詩簡白雲封金子耿庵山  
澤癯攀烟有意隨冥鴻夙約勿輿住岩壑十萬誰肯輸  
青銅年垂六十作老蠹空懷巢父與壺公每展斯圖三  
嘆息灌園何處問連筒命我作歌歌伐木美人黃土餘  
青楓况余隱志素不薄亦曾相訂從室終玄亭那甚更  
回首深負林長兼草豐手翻遺墨若夢寐芙蓉片片落  
雙瞳歌成不覺老泪滴何時黃鶴來蒼穹

周永年

瑞光寺燴燈歌

雲端已暝忽復曙燴燴直如妙高聚舍利光常貫太虛  
只今收攝隨心住上界高明受衆朝中宵虛白開天路  
佛聲浩浩若潮生人如磨蟻香如霧燈燈涉入夜夜明  
何身早向光中度傳言影落鮎魚口佛燈漁火相先後  
魚目常開魚網沉飲光咬影爭遊走喜滅魚家黑業多  
旁生所貴非長壽安得華嚴與上方千燈四炬搖星斗  
却令蟹舍及魚城惆悵朝朝空發笏凡燃燈之明日太  
湖網捕皆無所獲

今日歌

今日浮萍昨日絮可憐飄蕩輕辭樹浮萍又逐水東流

音人初集

卷六

周永年張嘉談允謙 五

莫問明朝聚何處遊子天涯不解歸故山草合王孫路

張嘉

長千曲

長千橋下長千里遊冶紛紛鬪羅綺桃葉渡頭歌吹飛  
秦淮樓閣縱橫起江總門前花正開謝安宅裏燕飛來  
曾邀桓笛歌三弄漫蹴金蓮舞幾迴孫楚樓頭誰中酒  
只今惟有垂楊柳六朝風雨大江連繁華又屬無何有  
羅綺蛾眉故復新玉樓金瓦已成塵含章不見梅花額  
芳樂安歸買販人我翻一闕長千曲吹出當年舊風俗  
江水東流不復西芳草年年滿堦綠

談允謙

廣陵逢沈方鄴

我曾來游宣州城宣州詞人多送迎橘柚烟寒宛溪上  
君家甲第何分明憶昔見君髮覆額廣陵再逢鬢近尺  
酒已能傾四座人詩亦將爭老夫席話舊懷然泪滿巾  
招予重游誠殷勤却念故人蒙難盡不堪回首敬亭雲  
遺誰叱牛耕隴春名姓消亡不自惜倘見宋莫山中人  
道我浮沉江上客

三舟圖

宋荔裳憲使王西樵吏部揚執王天常乙巳集西湖儻舟爲耶灝別林鐵崖爲作三

西湖游人無時休紛紛雜還非吾儔湖山在前不領略  
彈絲吹竹陳清謳月初出時酒告竭坐上客盡歸城頭  
詩風初集 卷六 談允謙汪楷 六

其中何人足比數往來唯見有三舟日夕坐臥各一舫  
時時牽纜能相訪或得異書出共看或傾吳釀留相餉  
詩成每貽三竺僧醉後還扶六嬌杖蕩漿遠避荷菱根  
拂竿故與鷗鳧傍太常吏部挾紅裙粉脂棄水香澤雲  
唯有憲使無所嫉不近名姝近名士一朝風雨各分飛  
湖山宋莫含愁思世上爭傳作畫圖閩江鐵叟三舟記

汪楷

寒夜長

戊戌

寒夜長夜長不寐起徬徨徬徨自歎田功畢坐思不覺  
千愁集木棉沈於根爛死禾黍漂流粒狼藉田中水勢  
三尺高陸隴無分難種麥入門低頭媿老妻寒生四壁

見夜啼仰天墮淚三歎息參橫月落風淒淒風淒淒漸覺  
寒威逼屋破牀頭星暗射輾轉腸迴百折多却聽簷雞  
齊鼓翼鼓翼俄聞喔喔鳴遠村近村連一聲往時雞鳴  
天欲曙獨憐此夜纔三更纔三更夜方半枕上流黃疋  
尚短但願宵漏遲遲終起催婦織夫親春成炊熟霜  
滿地抱布入城輸官稅東家流蘇帳重重錦衾香煖睡  
正濃海霞彩射碧窓紅翻嫌漏促怨銅龍

月夜城南看李花賦寄唐大賡咸平遙

千株萬林花繞堞我來月下驚奇絕氤氳光淡浮成烟  
冥漠影寒炫疑雪細看裊裊花枝斜澆漾月色紛交加  
花枝濯濯輕蒙月月色溶溶冷浸花前年月高花滿地

詩風初集 卷六

汪楷陸墊

七

醉倒接羸來過此壬寅春夜同嗚嗚聽汝唱銅鞮城漏  
催殘卧未去狂興因思賦短歌次日訂賡咸同賦待逢

花月高吟哦那知去年花更發雨雨風風春暗徂今年

花月仍相映汝復參商隔三晉聚散陰晴苦莫憑良辰

歡會嗟難並高呼邵平邵王與士龍陸位同攜蠟屐散

春風花哇一日巡百匝浩歌吸月傾千鐘把酒懷君歎

契澗惆悵裁詩寄天末詩到君邊花已殘相思還望江

南月

陸 墊

朱六兄子蓉過宿時將遠遊悵然而別

憶昔風流正少年相逢意氣何翩翩金鞭曉揖長堤下

玉壺晚醉當墟邊年華冉冉不相待憔悴空教雙鬢改  
一尊寒夜話當風風霜蕭颯生湖海兄本湖海人卓犖  
誰能親新詩驚謝眺痛飲薄陳遵別余欲向南天去鷓  
鴒聲斷斜陽渡烟水微茫雁影稀思君遙望江中樹

徐階鳳

樓前桂樹一株高不十尺四月放花且結二子形  
色最奇周子旦復館於樓上賦桂子行見贈因  
和荅之

樓前桂樹栽十年年年花發當秋前今年四月花已發  
花間更有雙子懸枝頭細細綴金粟日暖風清香滿屋  
嘉實生成形色奇大如蓮子潤如玉昔聞桂子落月中

詩風初集 卷六

陸墊徐階鳳

六

千年一見靈隱東何期此樹不盈丈翻與廣寒丹桂同  
以爲天所降景星甘露齊靈貺以爲地所鍾琪花瑤草  
爭祥風恰值周郎折桂客絳帷坐對數晨夕賦就詩詞  
擲金石花神花神暗怡懌從今歲歲子多結

葉雷生

舊縣歌

唐昭信縣去盱眙三十里今廢

昭信縣西寒食路燕支湖上行人度行人不歸寒食過  
湖外殘陽隔江樹汀樹參差愁脉脉日日牽衣上沙磧  
客夢長隨海燕歸江路花開春月白遺老新耕江上沙  
少年經戰老天涯插田歌裏分明道紅廟村邊是妾家

董 含

窮易行余隣園有巢鳥是食是息已數年矣茲者大風雪樹摧巢毀鳥亦死焉我悲夫物之細而遇之窮也

作詩以吊之

東隣白榆樹有鳥窟其顛長嗟善飲啄拍拍毛羽鮮經年覓食歸巢中飽時颺翻凌秋空性貪紫利衆鳥畏便捷不憚單與弓昨暮風勢劇到曉雪一尺高枝半枯萎中斷如劈畫鳥擁八九子相哺意甚適刺然墮汚泥轉盼族已赤爾巢既破爾身亦戕有喙不能鳴有翼不能張鷓鴣嬉汝側黃雀躍汝傍吁嗟乎之禽無知乘鳥之危汝不悲鳥行將自悲汝獨不見鵬鳥之畫出與鴝鵒之夜旋哲人遇之往往遭愆鳥之所短肆而自專以彼較鳥鳥乃大賢略其生平哀其目前命僕瘞之誅以新

詩風初集 卷六

董令

九

篇鳥若有靈又何憾焉

兵船行

官家欲裝兵勅下採巨木昨夜到尺一鼙鼓相督促陽侯效順鳥寇遁借問造此胡爲乎東南澤國利水戰防微杜漸真良圖縣官奉上檄鞭朴鳩群工厥費安所出派入田稅中一艘千餘金式樣如鱗鱗列之湖海側足備守與攻一日造船十日息利既均分弊相匿傳聞部使來點查斧鋸倉皇聊潤色前船檣櫓猶未全上司飛符催後船風吹日炙易朽壞一隻賣得三千錢船成不載兵與馬經年繫向孤城下城邊老叟對余泣嘆息年來民力寡予謂老叟汝勿憂從來未窮宜綢繆朝廷舉

動必有故縱使勞民安得休

阮曼錫

憶青溪

去年涉江秋欲暮我行始識清溪路清溪一曲山萬重中有孤村藏春樹我家清溪過半載看盡溪花流無數自從別去山中人卻往吳航江上住江上秋來風雨多迴望山中隔烟霧

送拙公還隱山

建陽城外溪水濱建陽山下舊雲林四月舟寒梅雨熟拙公下溪遠相尋不見拙公十五載相看兩覺鬚眉改我欲移家上建陽爲語雲峰遙相待

詩風初集 卷六

董令阮曼錫

二十

宿邯鄲

邯鄲山色濃如酒邯鄲女兒織似柳夜滾走向邯鄲道城下寒風襲兩肘主人索莫不歡且把空杯持在手繁華豪俠一時閒過眼雲烟復何有昨朝有客大梁回爲問昔時舊屠狗

嚴正策

晉中送友還金陵

金陵游子勒金羈臨岐不發有餘悲南渡滄江秋色晚槿花柿葉何離披晉陽道上霜如雪把酒牽衣爲惜別人生雖非麋鹿比聚散風烟長哽咽讓橋邊一遇君藐姑山下又離群相思惟憶秦淮水送君歸卧敬亭雲

戚藩

予淮陰侯

寓食漂母非無策受給女后誠為愚生死不出婦人手  
英雄顛倒如侏儒敢謂不足君死所築壇之日已捐軀  
設令楚終位亞父叱咤不免膏鑽鈇不狀轉戰京索間  
迫阨或恐為楚俘一朝早坐連敖法不逢滕公生亦幸  
會當一死荅昊天蒞醢所加卽良圖淮陰少年見劒擊  
國士報主今有無

徐緘

柳麻子行

金陵王侯夾道居瑤塔繡棟花扶疎秦箏趙瑟屏不作

詩風初集

卷六

戚藩徐緘

廿一

共迎柳麻來說書南京佳麗古無有柳麻名姓傳聞久  
一言忤意旋拂衣得遇賞音始開口借問說書何等技  
能使聲名滿人耳君不見跌宕雄奇太史公沉鬱頓挫  
杜子美柳麻說書亦如此玉盤走珠三峽傾四座歡娛  
亦涕零有時震蕩激魂魄鐵騎摩戛弓刀鳴憶昨全盛  
多風流戚里豪家無不遊車馬雜沓擁道周就中禮遇  
誰最優桐城相公寧南侯相公謂何如寵妖星閃閃西  
都破柳麻奔走少安坐羯鼓摧殘妃子愁琵琶流落龜  
年餓獨步東南三十年孤身作客越江邊江邊不知柳  
麻賢鬢毛稀疎霜滿肩謝公池館秋風起忽聽鈞天疑  
夢裡更述南京喪亂時使我愁緒紛難理柳麻柳麻君

且止世間萬事隨流水

曹申吉

赤壁歌

高高赤壁臨江渚一戰當年成鼎峙槍攘南北挺多才  
吳蜀君臣魏父子阿瞞東下氣何雄鴟張虎踞笑江東  
荊州已降昭烈走烏林蟻聚千艘鱗橫架還能賦明月  
投鞭擬欲乘長風檄傳會獵虛聲動吳下翻多嘖嘖翁  
嘖嘖紛紛那足數國士由來出儔侶公瑾醇醪美少年  
卧龍魚水真臣主片言契合紫髯奮群賢勢足奪風雨  
一炬俄看漢祚分英雄割據終黃土何事江濱尚有臺  
寒樵野釣日徘徊興衰轉轂同一瞬長流滾滾無時迴

詩風初集

卷六

徐緘曹申吉

三十一

史樹駿

夜飲聽孟三吳謳

君不聞城頭籌策聲征人夜半霜霑纓又不聞月下箏  
篋引彈之未覺淚交隕宋女秦娥各有心繁絃急管情  
何盡座客喧呼酒正酣梅花昨夢發江南誰歌舊曲令  
腸斷昔有何戡今孟三

錢芳標

飲恒素堂贈胡其章先生

婁東諫議絕代無英姿落落虬龍須大叫留賓勸賓飲